

CAMAR SIPUT
Common Tern

FAMILI: Laridae
NAMA SAINTIFIK: *Sterna hirundo*



CIRI-CIRI

Bagi sub-spesies *S.h.tibetina*, dewasa di luar musim membiak, ianya bersaiz sederhana besar dengan paruh kehitaman yang tajam dan lampai, kaki berwarna merah gelap, bahagian dahi berwarna putih, bahagian muka dan belakang tengkuk berwarna kehitaman, bahagian mantel, belakang badan, skapular dan sayap berwarna kelabu. Ia seakan-akan sama dengan Camar Berjalur, *S.dougalli*, tetapi badannya lebih besar, warna putih di penghujung sayap primary hampir tidak kelihatan dengan ekor dan paruh yang lebih pendek. Semasa terbang, bahagian atas badan dan sayap adalah berwarna kelabu gelap manakala bahagian tongkeng dan bahagian atas ekor adalah berwarna putih. Bagi burung dewasa pada musim membiak, paruh adalah berwarna oren-kemerahan dengan penghujungnya berwarna hitam, kaki berwarna merah gelap, bahagian depan atas kepala sehingga belakang kepala berwarna hitam. Spesies ini dapat dibezakan Camar Berjalur dengan bahagian bawah badan berwarna kelabu pudar. Semasa terbang, bahagian atas sayap sekunder adalah lebih gelap jika dibandingkan dengan sayap primary. Bagi burung juvenil pula, pangkal paruh serta kaki berwarna oren, warna di bahagian kepala hampir sama dengan warna kepala burung dewasa di luar musim membiak; mantel, skapular, tertier dan sayap mempunyai jalur-jalur berwarna coklat gelap dengan sedikit bercampur warna kuning pucat. Semasa terbang, bahagian atas sayap menunjukkan jalur kehitaman. Anggaran saiz bagi burung dewasa adalah 33-37 sm.

MAKANAN

Diet bagi spesies ini terdiri daripada ikan.

HABITAT

Spesies ini menghuni kawasan laut, habitat persisiran pantai, sungai-sungai besar serta tasik pulau.

BUNYI

Spesies ini menghasilkan bunyi yang kasar *kreeeah* atau *kreeeerh*, bunyi *kik* yang pendek serta bunyi *kye-kye-kye* yang pantas..... dan *kirri-kirri-kirri*.

PEMBIAKAN

Musim bertelur bagi spesies ini adalah dari bulan April hingga bulan Jun pada sepanjang tahun. Sarang dibina di kawasan terbuka berhampiran kawasan berumput. Burung betina boleh menghasilkan dua hingga tiga biji telur pada setiap kali ianya bertelur.

STATUS

Akta 76/72, dipelihara sepenuhnya.